



The Holy See

IOANNES PAULUS PP. II *EPISTULA DATA*

THOMAE STAFFORD S.R.E.

CARDINALI WILLIAMS,

ELECTO MISSO EXTRAORDINARIO

AD CENTESIMAM ANNIVERSARIAM COMMEMORATIONEM PRIMAEVÆ

EVANGELIZATIONIS INSULARUM CUKIENSİUM

Venerabili Fratri Nostro

THOMAE STAFFORD S.R.E. Cardinal WILLIAMS Centesimus iam adventat annus ex quo tempore ad Insulas Cukienses Evangelii nuntius allatus est Dominique beneficia gentibus illis subministrari copta sunt, sollertibus operantibus missionariis, qui animarum studio incensi, animose longum iter quandam susceperunt et ad oras illas appulcrunt salutare opportunumque auxilium ibidem incolis laturi. Convenit igitur et admodum decet ut eventus hic congruenter commmoretur et optimo iure extollatur. Celebratio enim eiusmodi copiam dat et facultatem non huius rei dumtaxat memoriam repetendi, verum animos ad ferventiores religionis sensum, firmorem fidem certioraque proposita permovendi. Auctore ergo et fautore Venerabili Fratre Robin Walsh Leamy, Episcopo Rarotongan, XVI-XVIII diebus mensis Decembris hoc anno sollemnis erit a primaeva illa evangelizatione centesima anniversaria commemoratio, ut ager hic dominicus, inde fere sumens vim, uberiores fructus fundat et laetiore segete vestiatur. Quocirca ut ritus hic magnificientius efficaciusque evolvatur, mittere aliquem eminentem virum statuimus, qui partes Nostras sustineat Nostrainque Personam agat. Ad te autem, Venerabilis Prater Noster, cogitationem convertimus, qui prorsus idoneus occurris ad ministerium hoc praestandum et luculenter explendum quandoquidem locis illis proximus, plane novisti illarum gentium mentem et consilia. Itaque permagna moti affectione, te, Venerabilis Frater Noster, Missum extraordinarium renuntiamus et constituimus ad celebrationem quam supra diximus agendam. Universis igitur participibus fidelibusque inibi cunctis voluntatem Nostram benignam ostendes, quia quamvis longo spatio separemur, adsumus spiritu praesentes. Omnibus Nostro nomine Benedictionem Apostolicam impertias velimus, quae sit animorum renovationis signum et supernarum gratiarum nuntiatrix. Ex Aedibus Vaticanis, die XIV mensis Augusti, anno MCMXCVI, Pontificatus Nostri decimo sexto. IOANNES PAULUS PP. II © Copyright 1994 - Libreria Editrice Vaticana